



**Komunikado di prensa no. 2019-048**

## **Enkuesta di situashon finansiero i komportashon di pago na Kòrsou**

Willemstad – Durante di e lunanan di desèmber 2019 i yanüari 2020, Centrale Bank van Curaçao en Sint Maarten (CBCS) huntu ku Centraal Bureau voor de Statistiek (CBS) lo tene un enkuesta riba ‘situashon finansiero i komportashon di pago na Kòrsou’. Den e kuadro aki, enkuestadónan di CBS lo bishitá bibiendanan pa hasi pregunta.

E enkuesta tin komo meta pa haña un bista di e konosementu finansiero, problemanan finansiero, e situashon finansiero i komportashon di pago na Kòrsou. A base di e informashon aki, CBCS por ehekutá lo siguiente mas efisiente i efektivu:

- Organisá aktividatnan riba tereno di edukashon finansiero, pa asina stimulá un komportashon finansiero responsabel bou di konsumidónan i hasi nan resistente na shòknan finansiero;
- Hasi sugerenshanan na institutonan finansiero tokante nan produkto i servisionan finansiero;
- Adapta òf renobá sistemanan di pago pa kumpli ku nesesidatnan di e konsumidónan.

Pa por haña e mihó resultado posibel, nos ta supliká tur bibienda ku a wòrdu selektá den e muestra, pa brinda nan koperashon na e enkuesta. CBS ta obligá pa lei di atendé ku e informashon kolektá ku sumo konfidensialidat.

Tur enkuestadó lo tin un identifikashon ku datos di e persona, un potrèt, logo di CBS i un firma di e direktor di CBS. E enkuestadó tin obligashon pa identifiká su mes na momentu ku ta hasi e bishita.

CBCS i CBS ta gradisí tur hende di antemano pa nan koperashon.

Willemstad, 26 di novèmber 2019

CENTRALE BANK VAN CURAÇAO EN SINT MAARTEN